

يوحنايه اولين نامه

۱

زندگی یه گلام

۱ اونچه که آز اول دبا، اونچه که بَشَنَوَسِّيم و آمی جِشِمِ هَمَرَه بَدِييِم، اونچه که اونه بيشييم و آمی دسه هَمَرَه لَمَس هَگَرْدِيَم، يَئِنِ گلامِ زندگي که اونه شِمِرِه اعلام کانيم. ۲ زندگي ظاهر هَبَا؛ آما اونه بَدِييِم و اونه گواهي دَنيم. زندگي آبدی ره شِمِرِه اعلام کانيم، همون زندگي آبدی که پيرِه هَمَرَه دبا و آمَرَه ظاهر هَبَا. ۳ اون گلام که آما بَدِييِم و بَشَنَوَسِّيم ره شِمِرِه اعلام کانيم تا شُما هم آمی هَمَرَه رِفاقت بدارين؛ حَقِيقَتَن هَم که آمی رِفاقت پيرِه هَمَرَه و اونه ريکا عيسي مَسِيح هَمَرَه. ۴ آما اينه شِمِرِه نُويسِنيم تا آمی خُشحالی کامل هَبو.

نور مین زندگي هگردن

۵ اينه پيغامی که اونه جی بَشَنَوَسِّيم و شِمِرِه اعلام کانيم که: خُدا نور و هيچ ظُلَمَاتِي أَصَلًا اونه مین دَنيه. ۶ آگه آما باگويم اونه هَمَرَه رِفاقت داريم، در حالی که ظُلَمَات مین زندگي کانيم، دُرُو زَنيم و حَقِيقَتِ عَمَل نُکانيم. ۷ ولی آگه نور مین زندگي هکنيم، همونجور که اون نور مین دَرِه، هَمَدِگِرِ هَمَرَه رِفاقت داريم و اونه ريکا عيسي يه خون آمَرِه تمام گناه جی پاک کانه. ۸ آگه باگويم که گناه نداريم، خودمان ره گول بَزِيَم و آمی مین حَقِيقَتِي دَنيه. ۹ آگه آما آمی گناهانِ اعتراف هکنيم، او که وَفادار و عادل، آمی گناهانِ بَخَشِنِه و هر نادرستی يه جی آمَرِه پاک کانه. ۱۰ آگه باگويم گناه نَکَرْدِيَم، آما اونه دُرُو زَن کانيم و اونه گلام آمی مین دَنيه.

۲

مَسِيحِ آمِي مدافع

۱ می کوچ وَجِه هان، اينه شِمِرِه نُويسِنَم تا گُناه نَكْنين. ولى آگه كسى گُناهِى هَكْرِدِه، ايتا مُدافع پِيَرِه وَرْجِه داريم، يعنى عيسى - مَسِيحِ صالح. ۲ عيسى آمِي گُناهِان گُفَارِيَه، وَ نِه فقط آمِي گُناهِان، بلكه تمام عَالَم گُناهِان.

۳ ايجِه يه جى دانيم اونه اِشْناسِنيم اِگِه اونه احكام بجا بياريم. ۴ هر كى كه گونِه ”اونه اِشْناسِنِه“، ولى اونه احكام بجا نيارنه، دُرُوژِن و حَقِيْقَت اونه مِيَن دَنِيَه. ۵ ولى هر كى كه اونه گلام بجا هارنه، حَقِيْقَتَن خُدَايِ مُحَبْت اونه مِيَن كَامِل هَبَا. اينجورى اَمَا دانيم كه اونه مِيَن دَرِيَم: ۶ هر كى كه گونِه اونه مِيَن ماندينه، بايد هَمونجور زندگى هَكُونِه كه اون زندگى كانبا.

تازه حكم

۷ اِي عَزِيْزَان، مَن ايتا تازه حُكْم شِمِرِه نَنُويسِنَم، بلكه ايتا قَدِيْمِي حُكْم نُويسِنِم كه از اوّل دَاشْتِيَن. اين قَدِيْمِي حُكْم، همون پِيغام كه بَشْتَوَسِيَن. ۸ با اين حال، ايتا تازه حُكْم شِمِرِه نُويسِنِم كه اونه حَقِيْقَت اونه مِيَن و شِيْمِي مِيَن هَم آشكار، چون ظُلْمَات گُذَرْنِه و حَقِيْقِي نور هَمِيَن اَلآن هَم دَرِه تَابِنِه.

۹ هر كى كه گونِه نور مِيَن دَرِه ولى خودشه آدَاشِه جى بِيزارِه، هَلَه ظُلْمَات مِيَن به سَر بَرْنِه. ۱۰ هر كى كه خودشه آدَاشِ دوس دارِه نور مِيَن ماندينه، وَ اونه مِيَن هِيچ دَلِيْلِي لَغْزِشِ وَسِيَن دَنِيَه. ۱۱ ولى هر كى كه خودشه آدَاشِ جى بِيزارِه، ظُلْمَات مِيَن دَرِه وَ ظُلْمَات مِيَن قَدَم رَنِه. وَ اون نِدَانِه كوْجِه شُونِه، چون ظُلْمَات اونه چِشْم گُور هَكْرِدِه.

۱۲ شِمِرِه نُويسِنِم، اِي كوچ وَجِه هان،

چون شِيْمِي گُناهِان اونه اِسْمِ خَاطِرِي بَخْشِيْدِه هَبَا.

۱۳ شِمِرِه نُويسِنِم، اِي پِيْران،

چون اونيكه از اوّل دَبَا رِه، بَشْناخْتِيَن.

شِمِرِه نُويسِنِم، اِي جَوَانان،

چون اون سَرِيْر سَر پِيروز هَبِيَن.

شِمِرِه نُويسِنِم، اِي وَجِه هان،

چون پِيْر بَشْناخْتِيَن.

۱۴ شِمِرِه نُويسِنِم، اِي پِيْران،

چون اون كه از اوّل دَبَا رِه، بَشْناخْتِيَن.

شِمره نُويسِنَم، اِي جَوَانان،
چون قَوّت دارين و خُداي گلام شِيمي مِين ماندينه،
وَ اون شَرير حريف هَبين.

دُنيا ره دوس نِداريد

^{۱۵} دُنيا و اونچه که اونه مِين دَرِه ره، دوس نِداريد. اگه گسي دُنيا ره دوس دارِه، پيرِه مُحبت اونه مِين دَنيه. ^{۱۶} چون هر چي دُنياي مِين دَرِه، يَعي جِسْم هَوا و هَوسِشان، چِشْم هَوا و هَوسِشان، زندگي يه غُرور، نه پيرِه جي بلکه دُنياي جي يه. ^{۱۷} دُنيا و اونه هَوا و هَوسِشان گُذرَنه، و لي اونیکه خُداي اِراده ره بجا هارَنه، تا اَبَد بجا ماندينه.

اخطار دربارِه 'ضِدّ مسيحي شان'

^{۱۸} وچَه هان، اين آخِرين سَاعَتِ و هَمونجور که بَشَتَوَسِين 'ضِدّ مسيح' هَنه، آلان هَم خيلي ضِدّ مَسِيحان بومَن، ايجه يه جي فَهَمَتَم که سَاعَتِ آخِرين. ^{۱۹} اوشان آمي مِين جي دِرگا بَشَن، و لي آمي جي نَبان؛ چون اگه آمي جي بان، آمي هَمَرِه ماندينه بان. و لي اوشان رَفَتَن نِشان هَدَه که اوشان هيچکدام آمي جي نَبان.

^{۲۰} و لي شُما اون قُدوس طَريقِ جي مَسح هَبين، وَ تمام شُما همه چيره دانيد. ^{۲۱} مَن شِمره نُويسِنَم، نه اينه و سِين که حَقِيقَتِ نِدانين، بلکه اينه و سِين که اونه دانيد، وَ اينه و سِين که هيچ دُرُوي حَقِيقَتِ مِين دَنيه. ^{۲۲} دُرُورَن کِيه، جز اون آدمي که عيسي يه موعود بَوَدَن اِنکار کانه؟ اينجور آدم هَمون 'ضِدّ مسيح' که هم پير و هم ريکا ره اِنکار کانه. ^{۲۳} هر کي ريکا ره اِنکار هَکونه، پير ره هَم نِداره، وَ هر کي ريکا ره اعتراف هَکونه، پير ره هَم دارِه.

^{۲۴} بَنين اونچه که از اوّل بَشَتَوَسِين شِيمي مِين بُمانه؛ اگه اونچه که از اوّل بَشَتَوَسِين شِيمي مِين بُمانه، ايمَا شُما هَم پير و ريکاي مِين ماندينيد. ^{۲۵} وَ اين اونچيه که اون اَمَرِه و عِدِه هَدَه، يَعي زندگي اَبدي.

^{۲۶} مَن اوشانه بارِه شِمره ايشانه بَنوشتَم که تَقْلا کاتَن شِمرِه گَمراه هَکُنن. ^{۲۷} و لي شِيمي بارِه بايد باگوم اون مَسحي که اونه جي بَيَتين، شِيمي مِين ماندينه و نيازِي نِداريد گسي شِمرِه تَعليم هَدَه، بلکه اونه مَسح هِمِه چيز بارِه شِمرِه تَعليم دَنه. اون مَسح حَقِيقِيه، نه دُرُو. پَس هَمونجور که شِمرِه تَعليم هَدَه اونه مِين بُمانيد.

خُدايِ وَجِهَ هان

^{۲۸} آسِه، اِي وَجِهَ هان، اونه مَيَن بُمَانِيد تا موقِه اِي كِه اُون ظُهور هَكونِه مُطْمَئِن هَبِيم و اونه بَموئِن موقِه اونه جِي شَرْمَنْدِه نَبِيم. ^{۲۹} آگِه شُما بِفَهْمَسِين كِه او صَالِح، شُما دانين اُونيكِه صَالِح بُوَدَن بجا هارنِه، اونه جِي دُنيا بوما.

۳

۱ بيشين پير چقدر اَمَرِه مُحَبَت هَکَرْدِه تا اَمَا خُدايِ وَجِهَ هان خواندِه هَبِيم! وَ هَمِينجور هَم هيسيم! اينه وسين كِه دُنيا اَمَرِه نِشَناسِنِه، چون كِه اونه نِشَناخَتِه. ۲ اِي عَزِيزان، اَمَا آلان خُدايِ وَجِهَ هانيم، ولى هَلِه اونچِه كِه قَرارِ هَبِيم آشكار نَبَا. ولى دانيم اُون موقِه كِه اُون ظُهور هَكونِه اونه مِثان بونيم، چون اونه اُونجور كِه هيسِه دينيم. ۳ هر كِي اونه اينجور اُميدي دارِه، خُودِشِه پاك كانه، هَمونجور كِه اُون پاك. ۴ هر كِي گُناه مَيَن زندگي كانه عليه شَرِيعَت زندگي كانه؛ گُناه، عليه شَرِيعَت عمل كانه. ۵ شُما دانين كِه او ظُهور هَکَرْدِه تا گُناهانِ اَز بِن بَرِه. اونه مَيَن هِيچ گُناهي دَنِيه. ۶ اُونيكِه اونه مَيَن ماندينِه گُناه اِدَامِه نَدَنه. اُونيكِه گُناه اِدَامِه دَنِه، نه اونه بَدِيِيه وَ نه بِنشَناخَتِه.

۷ اِي كوچ وَجِهَ هان، نئين هِيچكسي شِمِرِه گُمراه هَكونِه. هر كِي كِه صَالِح اَدَمِي يه مِثان عَمَل هَكونِه، صَالِح، هَمونجور كِه او صَالِح. ۸ اُونيكِه گُناه مَيَن زندگي كانه اِبليس جِي يه، چون اِبليس اَز همون اول گُناهكار با. اينه وسين خُدايِ رِيكا ظُهور هَکَرْدِه تا اِبليس كاران رِه باطل هَكونِه. ۹ اُونيكِه خُدايِ جِي دُنيا بوما گُناه مَيَن زندگي نُكانه، چون خُدايِ ذات اونه مَيَن ماندينِه؛ اُون اَدَم نَتانِه گُناه هَکَرْدَن اِدَامِه هِدِه، چون اُون اَدَم خُدايِ جِي دُنيا بوما. ۱۰ خُدايِ وَجِهَ هان وَ اِبليس وَجِهَ هان اينجور معلوم بوئِن: هر گس اونچِه كِه دُرِسِه رِه انجام نَدَنه، خُدايِ جِي نِيه، وَ هَمِينجور كسي كِه خُودِشِه اَداش دوس نِدارِه، خُدايِ جِي نِيه.

هَمَدِيگَرِ دوس بَدارين

۱۱ اين همون پيغاميه كِه اَز اوّل بِنشَنوسِين، كِه بايد هَمَدِيگَرِ دوس بَدارين. ۱۲ اَمَا نبايد قائل مِثان هَبِيم هَمونكِه اُون شَرِير جِي با وَ خُودِشِه اَداش بَكُوشَتِه. وَ چَرَا اونه بَكُوشَتِه؟ چون اونه اعمال بَد با وَ اونه اَداش اعمال دُرَس با. ۱۳ اِي اَداشان، تَعَجَب نَكُنين اَز اينكِه دُنيا شِيَمِي جِي بيزارِه، ۱۴ اَمَا دانيم كِه مرگ جِي رَد

هَبِيم وَبِه زَنديگي بَرَسِييم، چُون آدَاشانِ دوس داريم. هر کي مُحَبَت نُکانه، مَرگِ مَيَن ماندينِه. ^{۱۵} هر کي که خودشه آدَاشِ جِي بيزار هَبو قَاتِلِه، وَ شُما دانين که هيج قَاتِل مَيَن زنديگي اَبدي نُمَاندِنِه.

^{۱۶} اَوچِه يِه جِي مُحَبَتِ بِشِناختيم که اُون خودشه جان آمِي رَاهِه وَ سِين بَنَه، وَ اَمَا هَم بايد آمِي جان آدَاشانِ رَاه وَ سِين بَنيم. ^{۱۷} ولي اَگِه يَنفَر مالِ دُنيا رِه دارِه، وَ خودشه آدَاشه بِيِنِه که مُحْتاج، با اين وجود خودشه دِلِ دَرِ اَوْنِه رُو دَبِدِه، خُدای مُحَبَت، چَطور اينجور آدَم مَيَن ماندينِه؟ ^{۱۸} اِي کَوچِ وَچِه هان، بِيئِن مُحَبَتِ هَکُنيم، نِه زباني وَ گَب بَزَن مَيَن، بلکه عَمَل وَ حَقِيقَتِ مَيَن! ^{۱۹} اَيْنِه وَ سِين دانيم که حَقِيقَتِ جِي هيسيم، وَ تانيم آمِي دِلِ خُدای حُضور مُطَمَّئِنِ هَکُنيم، ^{۲۰} چُون هر وَختِ آمِي دِلِ آمَرِه مَحکوم هَکونِه، خُدای آمِي دِلِ جِي گتِه تَرِ وَ هِمِه چِرِه دانِه.

^{۲۱} اِي عَزِيزان، اَگِه آمِي دِلِ آمَرِه مَحکوم نَکُنِه، خُدای حُضور مُطَمَّئِنيم ^{۲۲} وَ هر چي اَوْنِه جِي بَخايم گيرنيم، چُون اَوْنِه اَحکامِ عَمَل کانيم وَ اَوْنِچِه که اَوْنِه خوشحال کانه رِه کانيم. ^{۲۳} وَ اَوْنِه حُکْم اَيْنِه که اَوْنِه ریکا عيسي - مَسِيحِ اِسْمِ ايمان بياريم وَ هَمديگر مُحَبَتِ هَکُنيم، هَمونجور که آمَرِه دَسْتور هَدَه. ^{۲۴} هر کي اَوْنِه اَحکامِ عَمَل هَکونِه، خُدای مَيَن ماندينِه وَ خُدَا هَم اَوْنِه مَيَن ماندينِه. ايجِه يِه جِي دانيم که او آمِي مَيَن ماندينِه يَئِنِ اُونِ رُوچِ هَمَرِه که آمَرِه هَدَه.

۴

رُوچِشانِ آزمونِ هَکُنين

^۱ اِي عَزِيزان، هر رُوچي رِه باورِ نَکُنين، بلکه رُوچِشانِ رِه آزمونِ هَکُنين که خُدای جِيه يا نِه. چُون دُنيايِ مَيَن خيلي دُرُوغِي پيغَمبَرانِ دَرَن. ^۲ خُدایِ رُوچِ رِه اينجوري اِشناسنيم: هر رُوچي که اعترافِ هَکونِه عيسي مَسِيحِ آدَمِ جِسْمِ مَيَن بوما، خُدایِ جِيه. ^۳ وَ هر رُوچِ که عيسي رِه اعترافِ نَکُنِه، خُدایِ جِي نِه. اين هَمون رُوچِ 'ضِدِّ مَسِيحِ' که بَشْتَوَسِين هَنه وَ اَلانِ هَم دُنيايِ مَيَن دَرِه.

^۴ اِي کَوچِ وَچِه هان، شُما، خُدایِ جِي هيسين وَ اوشانه حريفِ هَبين، چُون اونیکه شيمي مَيَن دَرِه اَوْنِه جِي که دُنيايِ مَيَن دَرِه گتِه تَرِه. ^۵ اوشانِ دُنيايِ جِيئِن، اَيْنِه وَ سِين اَوْنِچِه که گوئِن دُنيايِ جِيه وَ دُنيا اوشانه گوشِ دَنه. ^۶ اَمَا خُدایِ جِي هيسيم. اونیکه خُدَا رِه اِشناسنِه، آمَرِه گوشِ دَنه؛ اونیکه خُدایِ جِي نِه، آمَرِه گوشِ نَدَنه. اينجوري حَقِيقَتِ رُوچِ وَ گمراهي يِه رُوچِ رِه هَمديگرِ جِي

خُدا مَحَبَتِ

^۷ اِي عَزِيْزَان، بِيئِن هَمْدِيْگَرِ مُحَبَتِ هَکُنِيْم، چُون مُحَبَتِ خُدايِ جِيه و هر کي مُحَبَتِ کانه، خُدايِ جِي دُنْيا بوما و خُدا رِه اِشْناسِنِه. ^۸ اونِيکِه مُحَبَتِ نُکانه، خُدا رِه اِشْناخْتِه، چُون خُدا مُحَبَتِ. ^۹ خُدايِ مُحَبَتِ اِيْنجوريِ اَمِي مِيْنِ ظاهِرِ هَبَا کِه خُدا خُودشه پِدانه رِيکا رِه دُنْيايِ مِيْنِ بَرَسانده تا تَوْسُطِ اُونِ زَنْدِگِي پدارِيْم. ^{۱۰} مُحَبَتِ هَمِيْنِه، نه اونکِه اَمَا خُدا رِه مُحَبَتِ هَکُرْدِيْم، بلکه او اَمْرِه مُحَبَتِ هَکُرْدِه و خُودشه رِيکا رِه بَرَسانده تا اَمِي گُناهاِنِ گَفارِه هَبُو. ^{۱۱} اِي عَزِيْزَان، اگِه خُدا اِيْنجوريِ اَمْرِه مُحَبَتِ هَکُرْدِه، اَمَا هَم بَايدِ هَمْدِيْگَرِ مُحَبَتِ هَکُنِيْم. ^{۱۲} هِيچکِي هِيچ وَخْتِ خُدا رِه نَدِيه؛ اگِه هَمْدِيْگَرِ مُحَبَتِ هَکُنِيْم، خُدا اَمِي مِيْنِ مانْدِنِه و اونه مُحَبَتِ اَمِي مِيْنِ کَامِلِ هَبَا.

^{۱۳} اِيچِه يِه جِي دانِيْم کِه اونه مِيْنِ مانْدِنِيْم و او اَمِي مِيْنِ، چُون اُونِ خُودشه رُوحِ جِي اَمْرِه هَدَه. ^{۱۴} وَ اَمَا بَدِييِيْم و گَواهيِ دَنِيْم کِه پِيْر، خُودشه رِيکا رِه بَرَسانده تا دُنْيايِ نِجَاتِ دَهْنِدِه هَبُو. ^{۱۵} اونِيکِه اعْتِرافِ کانه عِيْسِيِ خُدايِ رِيکاڳَه، خُدا اونه مِيْنِ مانْدِنِه و اُونِ خُدايِ مِيْنِ. ^{۱۶} پَس اَمَا اُونِ مُحَبَتِي کِه خُدا اَمْرِه دَارِه رِه بِشْناخْتِيْم و اونه بَاوَرِ دَارِيْم.

خُدا مُحَبَتِ و اونِيکِه مُحَبَتِ مِيْنِ مانْدِنِه، خُدايِ مِيْنِ مانْدِنِه و خُدا اونه مِيْنِ مانْدِنِه. ^{۱۷} اِيْنجوريِ مُحَبَتِ اَمِي مِيْنِ کَامِلِ بونه تا رُوزداوَرِيِ مُطْمَئِنِ هَبِيْم. چُون اِيْنِ دُنْيايِ مِيْنِ اَمَا هَمونجورييْم کِه اُونِ هِيْسِه. ^{۱۸} مُحَبَتِ مِيْنِ تَرَسِ دَنِيَه، بلکه مُحَبَتِ کَامِلِ تَرَسِ دَرِگَا کانه؛ چُون تَرَسِ تَنْبِيَه جِي سَرچِشْمِه گِيْرِنِه و اونِيکِه تَرَسِيْنِه، مُحَبَتِ مِيْنِ کَامِلِ نَبَا.

^{۱۹} اَمَا مُحَبَتِ کَانِيْم چُون اَوَّلِ اُونِ اَمْرِه مُحَبَتِ هَکُرْدِه. ^{۲۰} اگِه گَسِيِ گُونِه کِه خُدا رِه دُوسِ دَارِم، وَ خُودشه اَدَاشِ جِي بِيْزارِ، اُونِ اَدَمِ دُرُوزْنِه. چُون اُونِ کَسِي کِه خُودشه اَدَاشِ کِه دِيْنِه رِه دُوسِ نِدَارِه، نَتَّانِه خُدايِ کِه نَدِيه رِه، دُوسِ پدارِه. ^{۲۱} اَمَا اِيْنِ حُکْمِ اونه جِي بِيْتِيْم کِه هر کي خُدا رِه دُوسِ دَارِه، خُودشه اَدَاشِ رِه هَم بَايدِ دُوسِ پدارِه.

۱ هر کي ايمان داره عيسي همون مَسِيحِ موعود، خُداي جی دُنیا بوما؛ هر کي پيرِ دوس داره، اونیکه اونه جی دُنیا بوما ره هَم دوس داره. ۲ آما ایچه یه جی دانیم خُداي وَچِه هان ره دوس داریم که خُدا ره دوس داریم، و اونه اَحکام جی اِطاعت کانیم. ۳ چون خُداي دوس داشتن اینه که اونه اَحکام عمل هکنیم. وَ اونه اَحکام سنگین نیه. ۴ چون هر کي خُداي جی دُنیا بوما بو، دُنیا ره حریف بونه. آمبی ايمان، اون پیروزی ایی که دُنیا ره شکست هده. ۵ کي تانه دُنیا ره حریف هبو؟ اِلا اونکه ايمان داره عيسي خُداي ریکاښه؟

۶ اون اونیکه او و خون همره بوما، یعنی عيسي مَسِيح. نه فقط اویه همره، بلکه او و خون همره؛ وَ خُداي روح که گواهی دنه، چون خُداي روح، حقیقت. ۷ چون این سه تا هیسن که گواهی دنن: ۸ خُداي روح و او و خون؛ وَ این سه تايه گواهی یکی هیسه. ۹ اگه آما آدَمان گواهی ره قبول کانیم، خُداي گواهی گت تره، چون گواهی ایه که خود خُدا خودشه ریکای باره هده. ۱۰ هر کي خُداي ریکا ره ايمان داره، این گواهی ره خودشه مین داره. اونیکه خُدا ره ايمان نیاره اونه دُرورن بشمارسه. چون اون گواهی ایی که خُدا خودشه ریکای باره هده ره قبول نکرده. ۱۱ اون گواهی اینه که خُدا آمره زندگی ابدی هده، وَ این زندگی اونه ریکای مین دَره. ۱۲ اونیکه ریکا ره داره، زندگی ره داره، وَ اونیکه خُداي ریکاره نیاره، زندگی ره نیاره.

تا بدانید

۱۳ مَن این چیزه ره شمره نویسنیم که خُداي ریکای اِسْمِ ايمان دارین، تا بدانید که زندگی ابدی ره دارین. ۱۴ این همون اطمینانیه که اونه ورجه داریم، اگه آما طبق اونه اراده یچی بخایم، اون آمره اِشْتَوْنَه. ۱۵ وَ اگه بدانیم که هر اونچه اونه جی بخایم او آمره اِشْتَوْنَه، پس مطمئنیم اونچه که اونه جی بخاسیم ره، بیتیم. ۱۶ اگه ینفر بینه اونه آداس گناهی کانه که به مرگ ختم نبونه، دُعا هکونه و خُدا اونه زندگی دنه. اینه اونه باره گوئم که اون گناه به مرگ ختم نبونه. گناهی دَره که به مرگ ختم بونه، مَن اینجور گناه باره نکوئم که باید دُعا هکردن. ۱۷ تمام نادرَس کار گناه، ولی گناهی هَم دَره که به مرگ ختم نبونه. ۱۸ آما دانیم که هر کي خُداي جی دُنیا بوما بو، گناه ره اِدَامَه نَدَنه، بلکه عيسي که 'خُداي جی دُنیا بوما' اونه حِفْظ کانه و اون شَریر دَس اونه نَرِسِنه. ۱۹ آما دانیم که خُداي جی هیسیم و تمام دُنیا اون شَریر قُدرت جیر دَره. ۲۰ هَمینجور

هم دانيم كه خُدايِ ريكا بوما و آمره فهم هده تا اونكه حقيقت ره بشناسيم، و
اما اونه مين كه حقيقيه دريم، يعني اونه ريكا عيسي مسيح مين. اون خُدايِ
حقيقي و زندگي ابديه.
۲۱ ای کوچ وچه هان، شميره بتشان جي حفظ هکنيد.

